



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Iacobi Llobetii Leodiensis E Societate Iesv. Specvlvm
Ecclesiasticorvm, Ac Religiosorvm.**

Llobet de Lanthin, Jacques

Leodii, 1640

§. Primus. Quid sit Corona, & unde dicta?

[urn:nbn:de:hbz:466:1-47105](#)

48 SPECVLVM ECCLESIASTICORVM,
ridiculæ quædam simiæ, quæ pios ritus etsi non ex-
primerent, effingere tamen conarentur. Ut explo-
dantur illi, simulque probetur pia illa Romanæ, &
Catholicæ Ecclesiæ institutio, nonnulla subiun-
gam de Corona, de eius nomine, authore, solidis
que rationum momentis, quibus ea niti videtur.

§. PRIMVS.

Quid sit Corona, & unde dicta.

1.9. Orig.
30. **D**E Corona dicere meditanti, succurrit pri-
mum quid ea nominis sit, & cuius etymolo-
gia? tum cur ea vertici Clericorum impressa?

Ad primum, quod attinet, Authores in varias
abeunt, diuidunturque sententias.

Isidorus coronam dici putat à choro, quod effi-
cta sit ad ordinem, & imitationem illius chori, qui
olim circum aras ducebatur.

Festus coronam appellatam credit, eo quod co-
honoret eum, cui imponitur: itaque corona dice-
tur quasi cohonora. Hæ sententiæ ex eo fortasse
nonnullis displicebunt, quod non placeat illa aspi-
ratio, si enim ab illa, prodijt corona, cur eam depo-
suit? ut in ea sententiarum pugna leniorem partem
sequamur.

L. I. de
Coron. c.
I. Dicemus cum Carolo Paschali, Coronæ nomen
deductum à voce græca *xopwv*, id est summitas ar-
cus, & vertex orbis: hæc enim etymologia conso-
fonat

nat magis, consentitque cum ipsa coronæ figura,
quæ sphærica est. Sed parum est quid nominis, de
eo certent grammatici, litemque inter se moueant :
nobis de re ipsa erit disceptatio : vnde, & quæ ratione
corona in Clerici verticem ascenderit?

§. 2.

Quæ Coronæ institutio? quæ ratio institutionis.

Quæ hoc paragrapho, & sequenti dicturus
sum, intelligi velim de Corona tum Clerica-
li, ac minima; tum sacra, & Sacerdotali paulò laxio-
re, tum etiam Episcopali, ac Pontificalia longè om-
nium amplissima ; de qua primum quæri potest,
quis illius author? tum quæ ratio institutionis? Satis
constat inter authores Catholicos, Coronæ initia ab
ipsis Apostolis petita, & communi traditione in
posteras omnes ætates continua serie deducta: quid-
quid h̄c reclament hæretici nostri temporis, noua-
tores, & venerandæ antiquitatis inimici. Videri po-
test super ea re D. Dionysius, Chrysostomus, & Ba-
ronius tomo primo ad annū Christi octauum su-
pra quinquagesimum, quem dum consulit, transeo
ad ipsam institutionem, illiusq; rationes inuestigo.

PRIMA RATIO.

Credunt nonnulli Apostolos Ecclesiæ Princi-
pes, ad communem omnium gentium con-
fuetudinem respexit, apud quas Sacerdotes diui-
nis

G